



Te Avae Eperela 1960

TE HEHEURAA API

Ua Haamaru OIA I Te Vero.

(Mataio 8 - Luka 19.)

I te hoê mahana, i muri a'e i to'na haapiiraa i te mau taata e rave rahi, rave ihora Iesu i ta'na ra mau pîpî, haere atura i nia i te hoê poti o tei vai noa ra i nia i te Roto i Galilea ra. Na ô atura oia, "*Mai haere tatou i te tahi atu pae e te roto ra.*" E a haere noa'i ratou, na varea o Iesu i te taoto no to'na rohirohi rahi. Aita i maoro tupu maira te hoê vero e puai roa maira te miti tei faatae roa i te mata are i roto i te poti. Măta'u ihora te mau pîpî o te tomo ratou, e noa'tu i te reira te taoto noa ra te Faaora. I roto i to ratou măta'u rahi haere atura ratou e faaara ia'na ma te parau atu e, "*E te Fatu, faaora ia tatou, ua pohe tatou!*"

Tia ihora Iesu i nia e avau atura oia i te mata'i e te are ra, e aita i maoro mărû roa ihora te mata are. Farin atura oia i ta'na mau pîpî ma te parau atu e, "*Teihea to outou faaroo?*"

Măta'u ihora te mau pîpî, eiaha ana'e no taua vero ra, no te semeio râ i ravehia i mua i to ratou aro, e na ô atura ratou, te tahi i te tahi, "*Eaha te huru o teie nei taata i faaroo mai ai te mata'i e te are ia'na!*"

E tae maira oia i Betesaida te arataihia maira te hoê taata matapo ia'na ra, ia faaorahia oia ra. Ua tuu atura i te huare i nia i to'na mata, e ua tuu hoi i te rima i nia iho ia'na. I te uiraahia'tu te taata matapo e tia anei ia oe ia ite i te hoê mea, pahono maira te taata matapo e, Te ite nei au i te taata mai te raau ra te huru ia'u ia hi'o, maori râ o te haere. Ua tuu faahou atura Iesu i te rima i nia iho i to'na mata, na faanânâ faahou atura i nia; oia roa a'era oia, ite papu atura i te mau mea atoa nei.

E a haere atu ai oia i Ierusalema farerei atura oia i na taata lepera tino ahuru tei pii mai ia'na, "*E te orometua, e Iesu, aroha mai ia matou.*" Parau atura oia ia ratou, "*A haere, a faaita ia outou i te mau tahu'a.*" E tei to ratou haereraa na te e'a'tia, faaorahia ihora ratou. E ia hi'o ihora

te hoê o ratou ia'na iho, e ua ora oia, ho'i maira ma te pii hua i te haamaitairaa i te Atua. Ua tipapa ihora i raro i te avae o Iesu, haamaitai maira ia'na. No Samaria taua taata ra. Ua parān atura te Fatu ia'na, "*E ere anei tino ahuru atoa tei tamāhia nei? teihea iho nei râ e tooiva?*" Anau atura oia i te mea e, hoê noa iho i roto i te ahuru tei ho'i mai no te haamaitai ia'na no ta'na haamaitairaa. Na ô atura oia i te taata Samaria, "*A tia, a haere i to tere, ua ora oe i to faaroo.*"

E fatata maira Ieriko ia'na, te parahi râ te hoê taata matapo i te pae aratia, te ani ra i te tao'a. E tiaa taata rahi tei pee atu i te Fatu, e ua faaroo taua taata matapo ani tao'a ra i te maniania rahi. Ua tiaturi taua taata matapo ra e, e tia ia Iesu ia faaora ia'na e pii atura oia ma te reo rahi, "*E Iesu a Davida, aroha mai ia'u.*" E te feia i mua ra, avau maira ia'na ia mamû oia. I reira rahi roa'tura to'na piiraa'tu ia'na, "*E te tamaiti a Davida, aroha mai ia'u.*" Tia noa ihora Iesu, ua faane atura ia ratou e aratai mai i taua taata ra. I to'na taeraa mai i pihaiiho ia'na, ua ui atura Iesu ia'na, "*Eaha'tu vau ia oe i to oe hinaaro?*" Ua parau maira te taata matapo, "*E te Fatu, ia ora ta'u mata.*" Ua parau atura Iesu ia'na, "*Ia ora to mata: ua ora oe i to faaroo.*" Ora ihora to'na mata i reira ra, e ua pee maira, ma te haamaitai i te Atua; e ite a'era te taata atoa e haamaitai atoa'tura i te Atua.

Te parahi ra, i roto ia Ieriko, te hoê taata tei parauhia o Zakaio, e taata tao'a e e telona rahi hoi. E taata poto ra oia, e no reira, i to te Fatu haereraa mai, aita i tia ia'na ia ite atu no te mea ua tia te mau taata rarahi i mua ia'na ra. I reira, horo atura Zakaio na mua, pai'uma'tura i nia i te hoê sukamino no te hi'o atu ia Iesu i te haereraa mai. I to te Fatu taeraa'tu i taua raau ra, hi'o atura oia ia Zakaio e na ô atura, "*E Zakaio, a pou mai i tena na, ei to fare ra hoi au parahi ai auanei.*" Oaoa ihora o Zakaio e haere vitiviti atura oia i to'na fare e farii atura oia ia Iesu i roto i to'na

fare ma te oaoa rahi. Noa'tu e taata tao'a rahi o Zakaio, e telona ra oia, e ua hi'o mai te ati Iuda ra e, mai te mea e taata rave hara oia. Ohumu ihora te mau taata ia Iesu i te mea te haere ra oia i roto i te fare o te hoê telona, e te taata rave hara hoi. E a parahi ai raua ra, na ô atura Zakaio, "*Inaha, e te Fatu, e horoa vau i te afa i ta'u nei tao'a na te taata rii, e i hamani ino na vau i te tuhi taata'tu i te hoê mea iti a'e, ia taimahaia ta'u e faaho'i atu na'na.*" Na ô a'era Iesu ia'na, "*Ua tae mai te ora i teie nei fare i teie nei mahana.*"

Marcel Bonnet

LES "ARTICLES DE FOI"

DIXIEME ARTICLE DE FOI.

"Nous croyons au rassemblement littéral d'Israël et à la restauration des dix tribus. Nous croyons que Sion sera bâtie sur ce continent (l'Amérique); que Jésus régnera en personne sur la terre; que la terre sera renouvelée et recevra sa gloire paradisiaque."

Le dixième article de foi mentionne cinq sujets distincts mais apparents. Les voici:

- (1) Le rassemblement littéral d'Israël.
- (2) La restauration des Dix tribus.
- (3) Sion sera bâtie sur le continent américain.
- (4) Christ régnera personnellement sur la terre.
- (5) La terre sera renouvelée et glorifiée.

Considérons chacun de ces sujets:

1- LE RASSEMBLEMENT D'ISRAEL. Que signifie le terme "Israël"? Israël désigne la postérité des enfants d'Abraham, par son fils Isaac, son petit-fils Jacob, et les douze fils de Jacob. Le terme Israël désigne également tous ceux qui croient au Dieu d'Israël, à Jésus-Christ.

Il convenait que les clefs du rassemblement d'Israël fussent remises entre les mains de Joseph Smith et d'Olivier Cowdery par Moïse lui-même, lors de la dédicace du temple de Kirtland. C'est Moïse qui conduisit les enfants d'Israël hors de l'esclavage égyptien; ce fut Moïse qui prédit qu'Israël perdrait ses bénédictions et serait dispersé "parmi tous les peuples, d'une extrémité de la terre à l'autre." (Deutéronome 28:64)

L'apparition de Moïse dans le temple de Kirtland et sa transmission de certaines clefs ou autorités au prophète Joseph marquèrent le commencement du rassemblement d'Israël.

2- QUELLES SONT LES TRIBUS PERDUES? Après le règne de Salomon, les enfants d'Israel portant les noms des douze fils de Jacob - se divisèrent. Deux tribus - Juda et une partie de Benjamin - s'unirent pour former ce qu'on appela la maison de Juda. Les dix autres tribus furent connues sous le nom de maison d'Israel. Les deux groupes vécurent ainsi séparés pendant deux cent cinquante ans, et alors le royaume d'Israel fut détruit et ses sujets emmenés en captivité. Cent ans plus tard, Juda perdit son indépendance et fut aussi emmené en captivité.

Quel fut le sort des dix tribus d'Israel après leur captivité, on l'ignore sinon qu'elles disparurent dans le "pays du septentrion", d'ou elles seront ramenées. (voir Jérémie 16:15)

Les pouvoirs confiés à Joseph Smith et à Olivier Cowdery comprenaient les clefs "pour rassembler Israel des quatre coins de la terre et pour ramener les dix tribus des pays du nord." (D&A 110:11)

L'habitat actuel des dix tribus perdues n'a pas été révélé, pas plus que l'époque de leur restauration. Mais le Seigneur a promis qu'elles seraient ramenées: "Alors l'E-

ternel, ton Dieu, ramènera tes captifs et aura compassion de toi, il te rassemblera encore du milieu de tous les peuples chez lesquels l'Eternel ton Dieu t'aura dispersé." (Deutérouome 30:3)

3- Au sujet de la troisième article de foi, l'édification de Sion sur le continent américain, les anciennes Ecritures ne mentionnent point son emplacement, si ce n'est qu'elle "sera fondée sur le sommet des montagnes, qu'elle s'élèvera par dessus les collines," selon Michée 4:1. Esaïe nous dit qu'elle sera "au loin" et que "l'étendard sera levé sur les montagnes". (Esaïe 33:17; 18:3 - Version Crampon)

Les Ecritures modernes nous ont dévoilé l'emplacement. Au prophète Joseph, le Seigneur révéla que le Missouri était le pays "choisi et consacré pour le rassemblement des saints."

"C'est pourquoi ce pays-ci est la terre promise, et le lieu où sera élevée la cité de Sion.

"Et ainsi dit le Seigneur, votre Dieu, si vous voulez recevoir la sagesse, voici la sagesse. Voici: l'endroit que l'on appelle maintenant Indépendance est le centre; et le lieu où sera édifié le temple se trouve à l'ouest, sur un terrain qui ne se trouve pas loin du tribunal." (D&A 57:1-3)

4- Après le rassemblement d'Israel, la restauration des Dix Tribus, et l'édification de Sion, alors viendra le Christ, qui régnera, personnellement, sur la terre, "en justice, pendant l'espace de mille ans". (Moïse 7:65)

Le second avènement du Sauveur a été prédit dans l'Ancien Testament:

"Il vient, notre Dieu, il ne reste pas en silence; devant lui est un feu dévorant, autour de lui une violente tempête." (Psaume 50:3)

Dans le Nouveau Testament, il est arssi prédit, au cours de l'ascention, lorsque les apôtres regardaient en vain au ciel ou le Seigneur venait de disparaître derrière un nuage:

“Hommes Galliléen, pourquoi vous arrêtez-vous à regarder au ciel? Ce Jésus, qui a été enlevé au ciel du milieu de vous, viendra de la même manière que vous l'avez vu allant au ciel.” (Actes 1:11)

Cette prophétie est très claire aussi dans nos Ecritures modernes:

“Car voici. en vérité, je te le dis que le temps est proche ou je viendrai dans une nuée, avec puissance et grande gloire.” (D&A 34:7)

Le Seigneur nous dit-il quand il viendra? Non, seulement ceci: “Veillez donc, puisque vous ne savez ni le jour, ni l'heure (à laquelle vient le Fils de l'homme)” (Matthieu 25:13 - King James version)

5- Lors de la venu du Sauveur, la terre sera purifiée de son iniquité. Qu'est-ce que cela veut dire? Comment la terre sera-t-elle? Quelles seront les conditions alors? Voici ce que Jean le Révélateur nous dit à ce sujet:

“Puis je vis un nouveau ciel et une nouvelle terre; car le premier ciel et la première terre avaient disparu, et la mer n'était plus....

“...Et Dieu lui-même sera avec eux. Il essuiera toute larme de leurs yeux, et la mort ne sera plus, et il n'y aura plus ni deuil, ni cri, ni douleur, car les premières choses ont disparu.” (Apocalypse 21:1-3)

Que peut-il y avoir de plus glorieux que cela?

Soumis par l'Ancien Toni Stone

E A'oraa No Te Amuiraa Atopa i te 1959 Na Spencer W. Kimball.

Tuatiraa.

I roto i te reira tau maoro i te tama'i-noa-raa mo'e aтура, i to outou mau tupuna huru fatata, to ratou papairaa i te reo, to ratou ite rahi, e tei hau roa'tu i te ino, to ratou iteraa i te Atua e Ta'na ra mau ohipa. Monohia'tura te faaroo i te ria'ria, te reo papu e te mau reo rii noa ra, te parau tuatapapa i te mau parau tintuu, e te iteraa e te haroaroraraa i te Atua, e Ta'na mau raveraa, i te haamoriraa i te mau idolo e tae noa'tu i te pûpûraa i te taata ei tusia. Te parau tuatapapa faufaa rahi no na matahiti e hoê tausani ra, tei ootibia i nia i te mau api metalo e te man api veo o te faufaa Tahito ra, ua hunahia te reira e to outou perophetapapai parau, tei faauruhia, i roto i te hoê afata i nia i te hoê aivi mo'a ia vai noa te reira, i taua vahi ra, ma te peapea ore e tae noa'tu i te tau e tia'i i te Metua Mure Ore, tei i i te paari, ia tuu faahou mai te reira no outou, no te mea o to te ra'i ana'e tei ite e, teihea taua vahi ra.

I roto i te ohipa raparahiraa taata ua iti roa ia te hinaaro ia haere tia'tu i mua i Tei Hamani mai e i te Evanelia no te Hau ra, e te Evanelia a Iesu Mesia, tei pinepine i te tuufaahouaahia mai, ua mo'e roa te reira i roto i te mahu piori rahi tei faaati i te ao paatoa nei.

I to Colomabuso haereraa mai ua parahibia te mau motu o te moana Patifita, e te fenua America, mai te otue o Tierra del Fuego e tae noa'tu i te otue Point Barrow i to outou mau opu taata ra.

Ua ite te mau tamarii haapiiraa i te parau tuatapapa o te tau a turahia'tu ai to outou mau tupuna fatata, mai te mau mou'a Appalachians e tae noa'tu i te mau mou'a

Sierras, mai te moana Atalanatika e tae noa'tu i te moana Patifita. Ua ite te mau taata atoa i te tau ra e 400 matahiti o "te tama'iraa o America" a tamata'i te mau opu e rave rahi, o te mau Inidia, tei ore hoi e au te tahi i te tahi, i te aro atu, ma te manuia ore, e i te hopea ua otohe noa ratou, ma te haamaniiraa toto rahi, i te mau vahi atea ra, e i te hopea i roto i te vahi i faataahia no ratou tei ore hoi i au maitai ia ratou.

I roto i te reira tau peapea mau te tupu maira to outou semeio rahi roa a'e. I to outou haamouraahia e te tama'i, e te mau ma'i, ua mana'ohia e, e pau ihoa outou atoa e ua parauhia outou i te parau ra "te taata America o te mo'e ra", e i reira ite atura te tiaturiraa i te hoê fetia apî.

Ua haruhia, e te mau feia apî, oia hoi, te mau Etene, to outou mau fenua, to outou mau anavai pape, to outou mau uru raau, area ra, hopoi mai ratou, na outou, te hoê mea tei hau roa'tu i te faufaa i te reira mau mea atoa — oia hoi, te Bibilia Mo'a e to'na ra mau parau hanahana ra, te hoê reo papai e te mau haapiiraa e tae noa'tu i te mau ravea atoa no te haereraa i mua i te mau vahi atoa.

I te mau tenetere e rave rahi i mua ra, ua tohu mai to outou mau peropheta no nia i te taeraa mai o Colomabuso e to'na ra mau taata, no nia atoa hoi i te tama'iraa orure hau, e te faatupuraa hoi o te hoê Nunaa Etene rahi o te parauhia te Hau Amui no America; no nia atoa i to outou mau haapurara-raa-hia e to outou faatia-faahou-raa i nia. Eita roa te mau tohuraa, tei noaa mai no ô mai i to Tatou Fatu e ore i te tupu, e te semeio rahi o te *OHIPA MAERE E TE UMERE RAHI* teie ia e tupu nei. Na te tama'i i horoa mai i te tiamâraa i te mau fenua aihuaaraau ra, e ua tupu mai te hoê Hau rahi ma te ture tei faauruhia no nia mai i te ra'i o tei horoa mai, i te mau taata, te tiamâraa no nia i te ohipa o te pae o te faaroo ra. I te haamataraa o te 19 o te

tenetere na oti ia te mau faaineineraa no tana semeio maere mau ra. Ua haere mai te Atua, te Metua, e o Iesu Mesia, Ta'na i faaite atu i te peropheta apî no te tau hopea nei, oia hoi, o Iosepha Semita, ma te parau atu ia'na e: "*O TAU TAMAITI HERE TEIE O TEI MAURUURU ROA HIA E AU NEI. A FAAROO MAI IA'NA.*"

Ua haere ê atu to outou Faaora, i te Fenua Mo'a ra, e 18 tenetere i mairi a'enei ra, e o tei haere faahou mai e farerei i to outou mau tupuna i nia i teie nei fenua, e i teie nei, ua ho'i faahou mai oia i nia i te fenua nei no te hoê tau e navai to'na maoro no te tun-faahou-raa mai i te parau hopea ra, e i te faane i to'na ra peropheta apî no te faatupuraa mai i te mau ohipa o te faa-aueue i te ao atoa nei. Ua poto to'na haereraa mai e te umere hoi. Ua tae faahou mai te Evanelia i nia i te fenua nei. Ua haamatahia te ohipa umere rahi ra: Ta outou mau parau tuatapapa faufaa rahi roa, tei vai noa i roto i te afata ofai no na tenerere e rave rahi, ua beheubia mai te reira. Na Moroni, tei pohe i te 14 tenetere i mairi a'enei, e o tei tia-faahou-mai, na'na i aratai i te peropheta i te vahi ra. Ua heru oia i te repo e ua rave mai oia, no roto mai i te afata te mau api auro, e na roto i to'na haamaitairaahia ua horoa mai oia, na outou, e te mau taata tei au mai ia outou, i te iritiraa, i roto i te reo Baratane, te buka tei papaihia na outou ra, e tei faahe-reherehia na outou e tei pûpûhia hoi na outou ra.

Tei reira te papairaahia te mau pure a te mau peroppheta e rave rahi, ma te amui-atoa'tu ia Nephi:

"No te mea te pure tamau noa nei au, no ratou, i te mau mahana atoa, e i te rui ra, te rari nei to'u turua."

Enosa:

“E ua pure atura vau ia’na ma te mau pure u’ana e rave rahi i to’u ra mau tuaana i te ati Lamana ra... ia haapao ia te Fatu te Atua ra i te papaa parau o to’u ra mau taata, . . . ia faaitehia mai i te mana o to’na ra rima mo’a i te ati Lamana i te tahi tau i muri nei, peneia’e o te faatae mai ia ratou i te ora ra.”

“E faaroo hoi to’u, e ua tae atura vau i te Atua ra ia tia i ta matou papaa parau; e ua fafau mai Oia i te faufaa ia’u ra, o tei na ô mai e, e faaite mai oia i te reira i te ati Lamana i to’na ihora tau mau.”

Ua rave rahi te mau taata no teie tau, te mea ite e te mea ma’ua, tei aparau noa no nia i te tumu o te tumu o te mau taata matamua o te fenua America. Na to outou mau parau tuatapapa e faaoti i te reira uiraa. Ua rave rahi atoa te mau taata tei vi maere no nia i te mo’araa o te Bibilia. Na ta outou mau parau tuatapapa e faaite mai e, o te Parau ia a te Atua. Ua rave rahi te taata tei parau e, e ere o Iesu i te Tamaiti mau na te Atua. Aita roa ta tatou mau parau tuatapapa i vaiiho mai i te hoê parau opipiri no nia i te reira. Mai te apeehea’tu e to’na ra hoa, te Bibilia, tei reira te parau haapapu, no te taata afaro, e te ora mau nei te Atua, e o Iesu Mesia, tei fapauhia e Ana, o te Faaora, te Taraehara mau. Na te reira e faaite i te parau mau o te Evanelia o te haere mai nei, i teie nei, no ô mai i te terono o te Atua, i te peropheta, e mai ia’na ra ia outou. Ei teie nei, na te mau Orometua e haapii nei ia outou, e ta outou mau tamarii, te Evanelia mau.

E Tuatihia

Te Fenua TAMARU Pererau

E Tuatiraa

Te tatara hia'tu nei te mau uiraa o ta tatou haapiiraa tei papaihia i roto i te ve'a i mairi a'e nei. Na fea tatou e papu ai ê o te Fenua America te fenua TAMARU PERERAU. Teie ia te mau tumu papu mau.

Tumu 1. O te fenua America ana'e i roto i teie nei ao te fenua tei faito to'na hoho'a i to te Manu o tei toro to'na PERERAU atau i te moana i te apatoerau i nia, e to'na PERERAU aui i te moana i te apatoa i raro.

Tumu 2. Uatanomaitai te parau tonoraa ve'a. A hi'o maitai ana'e tatou i te buru ê raa e vai nei i rotopu i te mau tonoraa te parauhia nei o te fenua tamaru Pererau i ta vetahi parauraa o te fenua Roma ia. Are'a râ, i teie haapiiraa, o te fenua America mau ia.

E hi'o tatou i teie nei taimē i te mau ve'a matamua tei tono hia mai i te mau fenua o te moana nei, ua tae mai te hoê pae i te mau fenua Magareva i te matahiti 1700 e tiaha-pa mai Paniora mai, taua mau ve'a ra i te haere raa mai, e ere atura mai Roma mai mai te au i tei parauhia ra, atia ia.

Te tonoraa piti, mai Ronetona mai ia, e fenua Paratane, i te mau matahiti 1797, aita atoa ia i aifaito i te tabi.

Are'a te hoê tonoraa ra mai te fenua America mai ia i te matahiti 1843, o tei parauhia teie o te fenua Tamaru pererau. O teie te tonoraa ta Isaia e parau nei mai te au i te irava tumu. Isaia 18:1-2. Aita roa e nunaa Iseraela i ite i teie fenua no te mea tei te mau matahiti 714 to Isaia faaite raa i teie nei parau, ua ite ra Isaia i teie nei fenua na roto i to'na faaroo i te Atua mai tei faaitehia i te Hebera 11:1 i te na ô raa e: "*O te faaroo nei, o te tiaturi ia i te mau mea e tiaihia nei e te ite i te mau mea aore e hi'o nei.*"

No reira ua ite Isaia i teie nei fenua i taua mau matahiti ra na roto i to'na faaroo, no te mea aita roa e mata taata i taua tau ra tei ite i teie nei fenua maori ra o te feia ana'e

ta te Atua i faataa. No reira te faaite nei o Isaia Peropheta i teie mau matahiti 714 i te mau hinaaro mo'e o te Atua i te taata nei.

Mai ta Amosa peropheta i faaite mai Amosa 3:7: "*Aita a te Fatu ra a Iehova e peu i rave maori râ ia faaite i ta'na parau i moe i tana ra mau tavini i te mau peropheta.*" No reira na faaite atea roa te Peropheta i teie nei mau parau mai te au i to te Fatu mau hinaaro. Ua vai teie nei parau tohu e 25 e tiahapa tenetere te maoro raa i faatupubia'i.

Te faaite atu nei au e, o te Ekalesia a Iesu Mesia i te Feia Mo'a i te Mau Mahana Hopea Nei, o tei tonono mai i te mau ve'a na te fenua TAMARU PERERAU. *E tia'i mai â i te tuatiraa i mua nei.*

Marurai â Mahuru.

Te Tamaiti Samoa

Te vai ra te hoê taata maere roa te faaea rai te oire San Francisco i teie mau mahana. E taata Samoa teie taata, e teie te hoê ohipa maitai ta'na, oia hoi, ia imi noa i te moni na te sotaiete tauturu taata e tae noa'tu i ta te mau haapao-raa faaroo. E melo teie nei taata no te Ekalesia nei, e e Peresibuteio to'na ra toroa, tera ra, aita ta'na e hi'oriaa i te huru o te mau sotaiete ta'na e tauturu nei, maori ra, e ohipa maitai ihoa ta ratou. Te mana'ohia nei e, ua tae te moni ta'na i horoa i te Ekalesia nei na rōto i ta'na mau imiraa i te 1 milioni e te afa dala Marite. Ia ani râ oe ia'na e eaha te rahiraa o te moni ta'na i horoa'tu i tera sotaiete e tera sotaiete, aita roa oia i ite, e faaite paha oia e: "*Aita roa vau e haapao nei i te reira.*"

E melo oia no te hoê amaa tei parauhia: "*Te amaa Polinesia, i San Francisco.*" O te hoê amaa teie no te mau taata maohi no tera motu e tera motu o tei amuihia i tana tufaa mataeinaa i Marite ra. Teie ia te huru o ta'na mau imiraa moni, oia hoi, te faatupu nei oia e to'na mau hoa maohi i te hoê mau tamaaraa, e te tahi atu â mau hautiraa maohi, no

te mau popaa i te fenua Marite. Te hinaaro nei ratou i te mau himene maohi e te ori nei ratou i te mau oriraa maohi, e inaha, te haere mai nei te mau tiaa rahi taata e 2,000 e tiahapa no te tamata i te maa e te mataitai i ta ratou mau peu, e te hoohia ra te mau mereti maa no te moni ra e 25 dala moni Marite. E oti oioi noa te mau opuaraa e tei faao-tihia te mau vahi ta'na e haere no te hoê matahiti taatoa, e te faatupu nei oia i te mau hautiraa e hoê hanere e tiahapa i te matahiti hoê. Teie râ, te mea maere roa, oia hoi, e mana'o paha tatou e ua ona teie taata na roto i te manuia rahi o ta'na mau ohipa imiraa moni, tera râ, aita roa oia i faarii i te hoê tara no ta'na ohipa. Mai teie te huru o ta'na raveraa: Na te mau sotaiete e imi i te fare no taua mau ohipa nei, e na taua taata nei te maa, te mau taata hauti e te mau ohipa faaineineraa taatoa. Tera ana'e te moni ta'na e ani nei ia ratou, oia hoi, te moni tei pau no te maa, e te tahi maa monirii haamauruuru na te mau feia hauti. Tirara. Aita roa oia i ani ia ratou no te hoê a'e moni na'na. I teie nei, ua tupu te ati na roto i ta'na mau imiraa, oia hoi, ua parari roa to'na pereoo uira, na roto i te afairaa i te mau ofai no ta'na himaa i roto i to'na pereoo, e i teie nei, aita roa oia i ite e na fea, maori ra, ia ani ihoa oia no te tahi maa moni rii ia oti to'na pereoo i te hamanihia, e nehehehe ia'na ia rave faahou i ta'na mau ohipa. Eita ra oia e hiraaro ia farii i te moni, maori ra e, aita atu e ravea ia roa te moni no to'na pereoo.

E mea papu, e riro te hoê taata mana'o maitai i te tauturu ia'na no taua vahi ra. Te tumu oia i rave noa'i i ta'na mau ohipa mai te reira te huru, o teie ia, oia hoi, te mana'o ra oia e, te haapee nei oia i te hoê aitarahu tei nia iho ia'na. Mai teie te huru o taua aitarahu ra.

I te taime oia i parahi ai i Samoa, e tamaiti oia na te Arii o te hoê motu. I te reira taime e tamaiti teoteo mau oia, aita hoi ta'na e ohipa maitai maori ra, te faatupuraa i te mau motoraa e te taputoraa i to'na mau taata tupu. Te vai ra te hoê mau Orometua i nia i tana motu ta'na i faaea i nia iho ra, tera ra, aita roa oia i tan'a atu ia ratou. I te taime oia i haamata ai i te haamaha i te rohirohi no ta'na mau ohipa ori-haere i te po mahana maa, haamata ihora te mau himene i roto i te fare pureraa Momoni i pihai iho i

to'na fare. I reira e horo oia i rapae e taora ai i te mau ofai i roto i te mau haamaramarama o taua fare pureraa ra no to'na riri ia ratou. I te hoê pô, ua hape te hoê mau taurearea e ua rave ino roa ratou i te hoê hoa no teie nei tamaiti ma te maua'o e, o oia ia ta ratou e tairi. Na roto i taua rave-ino-raa ra pohe roa atura teie tamaiti. I reira, ite ihora taua tamaiti nei e no ta'na mau peu haapao-ore i pohe ai to'na ra hoa.

Ua oti roa te parau poheraa i te hamanihia e te mau taote i te fare ma'i, i reira tae maira na orometua Momoni ta taua tamaiti nei i tahitohito noa ra, faatahinu ihora taua na orometua ra i te tamaiti i pohe ra, e faatiahia maira taua tamaiti ra i nia. Tei reira taua tamaiti nei ma te hi'o noa'tu i te reira semeio rahi, e i te poipoi Sabati ra, te parahi ra oia i nia i te parahiraa matamua i roto i te fare pureraa Momoni. Mai reira mai a, faaea roa'tura oia i ta'na mau peu ino, e haamata atura oia i te faaineine ia'na iho no te faatereraa i ta'na mau taata, oia hoi, i te hui raatira o taua motu ra. Haere atura oia i te fenua Marite i te matahiti 1947, e i reira pûpû noa'tura oia i to'na oraraa ei haapeeraa i taua aitarahu ra ta'na i mana'o e, tei nia iho ia'na ra.

Timi Orometua

PARAU RII API

Te Tere Nei Te Mau Misioni I Farani Ma.

I teie na ava'e i mairi a'enei, tere atura te tauturu piti o te Peresideniraa Matamua o Henere D. Moyle i te mau fenua i Farani ma no te faaotiraa i te hoê mau ohipa a te Ekalesia i reira. Ua faatoroa oia i te hoê peresideni api no te Misioni i Farani, e mai te au i ta'na i hi'opoaraa i te ohipa i reira, e mea tere mau te Misioni Farani. Ua oti atoa te piha toroa no te Misioni i Europa taatoa i te faanahohia e ana, e ua oti atoa te tahi Misioni api i te pae apatoa o te Fenua Purutia i te faatiaraahia. E hamanihia to ratou fare orometua i teie mau mahana i mua nei. E tau i atoa hia te vahi no te fare o te Misioni i Helevetia ma, e no reira e roa atoa to ratou fare orometua api. Ua hoohia te hoê mau fenua i Tuete no te faatiaraa i te tahi mau fare pureraa api i reira. I te fenua Baratane, ua haapaohia te hoê pureraa rahi, o tei mana'ohia e, o te hoê te reira o te mau pureraa rahi roa'e tei faatupuhia i reira. Ua putuputu mai te mau taata o tei hau i te 2,000 i te rahiraa, no te faaroora i te mau parau a taua melo o te Peresideniraa Matamua ra. E mea tere roa te ohipa a te Ekalesia i reira. Te bapetizo nei ratou i te mau taata e hanere e tiahapa i te mau ava'e atoa, e ua hau atu i te tauatini te mau taata tei bapetizohia i reira i teie matahiti i mairi a'enei.

Te Mau Fare Haapiiraa Apî

Te hamanihia nei te hoê mau fare apî i te aua o te Haapiiraa Teitei a te Ekalesia i Utaha, o tei parauhia i nia i te I'oa o te Peropheta Birigama Iouna. Te faarahihia nei te fare no te mau ohipa hauti (sport) ia rahi faahou â taua fare ra, e 180 avae i te roa. Mai to'na huru i teie nei â, o te reira ia te fare rahi a'e no te ohipa hautiraa popo (sport) i te mau matainaa i pihai iho i te mau "MOU'A OFAI" i te Too'a o te Râ.

E hamani-atoa-hia te hoê fare apî no te haapii i te ohipa hamaniiraa machine, e te mau huru ohipa tamuta atoa. E oti atoa te hoê fare haapaoraa buka e pae tahua te teitei, o te farii i te mau buka e mirioni e tiahapa, E oti atoa te tahi fare apî no te haapii i te mau toroa hoo tao'a (business) e te tahi â fare no te mau ohipa oreroraa parau, te mau himene, e te mau faatairaa pu (musique) e no te mau hautiraa teata, e te mau haapiiraa hoho'a (piece). I teie nei â te vai ra te mau fare e huru rau i reira. Te vai ra te hoê fare no te mataitauraa i te mau fetia, ma te hoê hi'o faarahi matai roa no te reira ohipa. Te vai ra te mau fare no te haapii i te toro'a Orometua Haapii, e te ite no te Natura o teie nei ao (Science) e te tahi fare no te haapii i te mau tamahine i te ohipa o te utuafare, (te hii i te aui, e te ohipa tutu etc.) e no reira te tere nei te ohipa no te imiraa i te ite i reira.

Te Hoho'a No Ta Tatou Ve'a. Te Amuiraa Rahi.

O te hoê tiaa rahi taata teie i putuputu no te Amuiraa Rahi a te Ekalesia i Roto Miti, Utaha. Ua riro teie ava'e Eperela nei, ei ava'e haaputuputuraa na te Ekalesia. E faatupuhia te mau amuiraa na te mau melo o te Ekalesia i te mau vahi atoa, e tae noa'tu i to Polinesia Farani nei. I roto i teie Amuiraa Rahi i roto i te aua o te hiero i Roto Miti, e putuputu mai te mau taata tei hau atu i te 10,000 i te rahiraa no te mau fenua e rave rahi, e faaroo e e mataitai atoa hoi te mau taata e 500,000 e tiahapa na roto i te Radio, e te Radio Television (hohoa). E faatupu-atoa-hia te hoê mau amuiraa na te mau orometua tei haere i te mau fenua êê, e i roto i teie mau amuiraa e paraparau te mau misionare i roto i te mau reo êê ta ratou i haapii i roto i te mau fenua ta ratou i haere ra.